


唐宋叢書



南唐遺事 上中下


|             |   |                       |             |
|-------------|---|-----------------------|-------------|
| 庫           | 文 | 閣                     | 内           |
| 三<br>一<br>函 |   | 三<br>二<br>文<br>四<br>冊 | 漢<br>書<br>類 |

武林舊事

故都宮殿紀  
市肆紀  
編安藝流紀  
教坊樂部紀  
雜劇段數紀  
辛張府郎略

十八

|      |           |
|------|-----------|
| 内閣文庫 |           |
| 番號   | 漢 3164    |
| 冊數   | 56 ( 19 ) |
| 函號   | 371 3     |



綴じ部(喉部分)の文字など開きが不鮮明な箇所あり

南唐近事目錄

卷第五

烈祖

齊王元宗

江夢孫

徐鉉

朱筆

史虛白

唐稿

南唐近事

目錄

藏書之印

蔣廷翊

鍾謨

馮謐

賈崇

元宗

沈彬

位崇文

何敬洙

馮俱

潘辰

黃可

卷第中

孫晟

蕭儼

張義方

劉仁贍

高越

朱匡業

韓 渥

張 易

盧山道士

慶王茂

周 宗

王 魯

鄧亞文

宋齊丘

馮 權

元 宗

常安錫

施仁望

張子通

卷第下

陳 誨

章齊一

耿生生

陳繼善

周宗

杜業妻張氏

嚴求

嚴求

孫漢威

劉信

李建勳

李德誠

陳覺

馮延巳

張洎

李冠子

鍾傳

程員

李德來

木平和尚

李徵古

韓熙載

陶穀

韓熙載

南唐近事目錄終

南唐近事

宋 鄭文寶 編

明 陳繼儒 訂

烈祖

烈祖輔吳之初。未踰強仕。元勳碩望。足以鎮時靖亂。然當時同立功。如朱瑾。李德誠。朱延壽。劉信。張崇。柴再同。周本。劉金。張宣。崔太初。劉威。韋建。王綰等。皆握強兵。分守方面。由是朝廷用意。半籠終以跋扈為慮。上雖至仁長厚。猶以為非老成。無以彈壓。遂服藥變。

其鬚鬢一夕成霜。泊歷數有歸。讓皇內禪。諸藩入覲。竟無異圖。

齊王元宗

烈祖嘗晝寢。夢一黃龍。繚繞殿檻。鱗甲炳煥。照耀庭宇。殆非常狀。逼而視之。蜿蜒如故。上既寤。使視前殿。卽齊王凭檻而立。偵上之安否。問其至止時刻。及視向背。皆符所夢。上曰。天意諄諄。信非偶爾。成吾家事。其惟此子乎。旬月之間。遂正儲位。齊王卽元宗。居藩日所封之爵也。

江夢孫

江都縣大廳相傳云。陰有鬼物所據。前政令長升之者。必爲瓦礫所擲。或中夜之後。毀去按硯。或家人暴疾。遺火不常。斯邑皆相承。居小廳蒞事。始獲小廉。江夢孫聞之。嘗憤其說。然夢孫儒行正直。衆所推服。無何。自秘書郎出宰是邑。下車之日。升正廳受賀。訖。向夜。具香案。端笏當中而坐。誦周易一遍。明日如常理事。蔑爾無聞。自始來至終考。莫覩怪異。後之爲政者。皆飲其惠焉。

徐鉉

金陵城北有湖周迴十數里。幕府雞籠之山環其西。鍾阜蔣山諸峰聳其左。名園勝境掩映如畫。六朝舊跡多出其間。每歲菱藕罟網之利不下數十千。建康實錄所謂玄武湖是也。一日諸閣老待漏朝堂。語及林泉之事。坐間馮謐因舉玄宗賜賀鑿三百里鏡湖。信爲盛事。又曰予非敢望此。但賜後湖亦暢予平生也。吏部徐鉉怡聲而對曰。主上尊賢待士。常若不及。豈惜一後湖所乏者。知章爾。馮大有慚色。

朱華

朱華侍郎童蒙日。在廣陵入學。其師甚嚴。每朝午歸餐。指景爲約。其時不至。當行。檝楚。朱雖稟師之命。然常爲里巷中一惡犬。當道過輒嗥吠。華乃整衣。望犬再拜。祈之曰。幸無嚙我。早入學中。免爲夫子笞責。精誠所至。涕泗交流。犬亦狂吠不顧。是犬暴卒于家。

史虛白

處士史虛白。北海人也。清太中客遊江表。卜居于潯陽。落星灣。遂有終焉之志。容貌恢廓。高尚不仕。蕭對



客奕棋旁令學徒四五輩各乘紙筆先定題目或爲書啟表章或詩賦碑頌隨口而書握管者略不停綴數食之間衆製皆就雖不精絕然詞彩磊落旨趣流暢亦一代不羈之才也晚節放達好乘雙犢板轅挂酒壺於車上山童總角負瓢以隨往來廬阜之間任意所適當時朝士咸所推仰保大末淮甸未寧割江之際虛白乃爲賦江賦以諷曰舟車有限沿江島以俱閑魚鼈無知尚交游而不止又賦隱士詩云風雨揭却屋渾家醉不知其譏刺時政率皆類此元宗南幸道由蠡澤虛白鶴擎杖藜謁鑿輅於江左元宗駐蹕存問頒之穀帛又知其嗜酒別賜御醞數壺以厚其意也他日病將終謂其子曰皇上賜吾上樽飲之略盡固留一榼藏之於家待吾歿日殮以時服置拄杖一條及此酒於棺中葬之足矣四時慎勿享奠有益勞費何利歿者吾當不歆矣洎卒家人一遵遺命而其子頓絕時祀每因節序必修奠訖奠紙緝於靈座紙皆不化用意焚之火則自滅遂不復更祭奠矣

唐鑑

嚴續相公歌姬。唐錦給事通犀帶。皆一代之尤物也。唐有慕姬之色。嚴有欲帶之心。因雨夜相第。有呼盧之會。唐適預焉。嚴命出妓解帶較勝於一擲。舉座屏氣。觀其得失。六嚴嚴巡。唐彩大勝。唐乃酌酒命美人歌一曲。以別相君。宴罷拉而偕去。相君悵然遣之。

蔣廷翊

昇元初。許文武百寮觀內藏。隨意取金帛。盡重載而去。惟蔣廷翊獨特一縑。還家餘無所取。士君子以是而多之。終尚書郎。

鍾謨

鍾謨性聰敏。多記問。奏疏理論。類脫時輩。自禮部侍郎。聘周。恠青左授耀州典午。盛夏之月。自周徂秦。每見道旁古碑。必駐馬。歷覽。皆默識。或止郵亭。命筆繕寫。一日之行。不過數里而已。又見一圭首豐碑。制度甚廣。約其詞旨。不下數千餘字。臥諸荒壑之中。半爲水潦所淹。無由披讀。謨欣然解衣游泳。壑中以手捫揣。默記其文。志諸紙墨。他日徵還。重經是路。天久不雨。無復沈碑之泉。乃發笥得舊錄本。就壑較之。無一

字差誤。

馮謐

馮謐總戎廣陵。為周師所陷。乃削髮披緇。以給周人。將圖間道南歸。為識者所擒。送至行在。時鍾謨亦使周人。或譏之曰。昔日旌旗擁出。坐籌之將。今朝毛髮化為行脚之僧。世宗甚悅。因釋罪歸之。終中書侍郎。

賈崇

賈崇自統軍。拜使相。鎮江都。周師未及境。盡焚其井邑。棄壘而渡。元宗引見於便殿。責其奔潰之曲。凡曰朝野謂卿為賈尉。遲。朕甚賴卿。一旦敵兵至。棄甲宵遁。何施面目至此邪。崇扣首具陳。舒元既叛。大軍失律。城孤氣寡。無斂旅之兵。以禦要害。雖真尉遲亦無所施其勇。臣當孥戮。惟陛下裁之。以忤旨釋罪。長流撫州。

元宗

元宗少躋大位。天性謙謹。每接臣下。恭慎威儀。動循禮法。雖布素寮友。無以加也。夏日御小殿。欲道服見諸學士。必先遣中使數使宣諭。或訴以小苦中褻。不

南唐史事 卷上 六  
及冠褐可乎。常日。宋齊丘爲子嵩。李建勳爲史館。皆不之名也。君臣之間。待遇之。率類於此。

### 沈彬

沈彬長者。有詩名。保大中以尚書郎致仕。閒居于江西之高安。三吳侯伯多餉粟。帛嘗荷杖郊原。手植一樹於平野之間。召諸子戒曰。異日葬吾此地。違之者非人子也。居數年。彬終。諸子將起墳於植樹之所。尋有術士語以吉凶事。近樹北數尺之地。卜葬。家人諾之。是夕。諸子咸夢。家君訶責。檀移葬地。復違吾言。禍其至矣。詰朝。乃依遺命。伐樹掘土。深丈餘。得一石。棹工用精妙。光潔可鑒。蓋上刊八篆字云。開成二年。壽棹一所。乃舉棺就棹而葬之。廣狹之間。皆中其度。彬第二子道者。亦能爲詩。以色絲繫銅佛像。長寸餘。懸于襟上。衣道士服。辟穀。隆冬。盛夏。惟單褐布裙。跣足。日馳數百里。狂率嗜酒。罕接人事。多徃來玉筍浮雲二山。林棲野宿。不常厥居。至今尚在南。中人多識之。

### 位崇文

位崇文以舊德殊勳。位崇台褒。巨鎮名藩。節制逮之。

南唐遺事 卷上  
坐鎮浮競。出入三朝。喜愠莫形。世推名將。臨武昌日。閱兵於蹴鞠場。武昌廳有古屋百餘間。久經霖雨。一旦而頽。出乎不意。聲聞數里。左右色動心恐。惟崇文指縱點閱。安詳如故。亦無所顧問。

何敬洙

何敬洙善彈射。性勇決。微時爲鄂帥李簡家僮。李性嚴毅。果於殺戮。左右給使之。人小有過。憊鮮獲全宥。何嘗因薄暮與同輩戲於小廳下。有蒼頭取李公所愛硯。擎于手中。謂諸僮曰。誰敢破此。何時餘酣。乘興厲色而應曰。死生有命。吾敢碎之。乃擲硯於石階之上。鏗然毀碎。羣豎迸散。無敢觀者。翊日李衙退視事。責碎硯之由。主者具以實對。李極怒。卽命擒何。以至。死。不旋踵矣。李之夫人素賢。明知何有奇相。每曰。異日當極貴。至是。匿何後堂中。旬浹之間。李怒未解。夫人亦不敢救。一日李獨坐小廳。有一烏申喙。向李而噪。其聲甚厲。李惡之。遂拂衣往後園池亭中。烏亦隨其所之。叫噪不已。命家人多方驅逐。略無去意。李性既褊急。怪怒愈甚。顧左右曰。何敬洙善彈。急召來。能

斃此畜。當釋爾罪。何應召而至。注。九挾彈。精誠中激。應弦斃之。李佳賞至再。遂捨其罪。洎成立。擢爲小校。以軍功累建旌鉞。建隆初。自江西移鎮鄂渚。下車之日。小亭中復見一鳥。顧何而鳴。何曰。昔日全吾之命。得非爾乎。乃取食物自置諸掌。鳥翻然而下。食何掌中。其後何位至中書。令守太師致仕。功算崇極。時莫與比。靈禽之應。豈徒然哉。

馮僕

馮僕。卽刑部尚書謚之子也。舉進士。初年少。衆譽籍籍。籍以爲平。折丹桂。秋試之間。僕一夕夢登崇孝寺幡刹。極高處。打方響。先是徐幼文能圓夢。遂詣徐請圓之。徐曰。雖有聲價。主下地。洎來春僕俄成名於待郞。韓熙載榜下。或有責徐之言謬者。徐曰。誠如吾語。後當知之。放榜數日。中書奏主司取士不當。遂追榜御試。馮果覆落。

潘辰

鄧匡圖爲海州刺史。有野客潘辰謁之。鄧不甚禮遇。館於外廐。忽一日。鄧命潘觀獵近郊。鄧妻因詣廐中。



覘展棲泊之所。弊榻莞蓆，竹籠而已。籠中有錫彈丸二枚，其他一無所有。艾夜展從，禽歸啟籠之際，忽爲歎駭之聲。且曰：定爲婦人所觸，幸吾朝來攝其光，銘不爾斷。婦人頸久矣，園人異之，乃聞於鄧。鄧詰其由，室家具以實告。鄧頗驚異，遂召潘升堂。屏左右曰：先生其有劔術乎？潘曰：素所習之。鄧曰：願先生陳其所妙，使某拭目一觀可乎？潘曰：何不可也。明日公當齋戒三日，擇近郊平廣之地，可試吾術。鄧如其約。至期，命潘懸鑣而出，至城東。其始潘自懷袖中出二彈丸，一掌中。俄有氣兩條，如白虹之狀，微微出指端，須臾上接於天。若風雨之聲，當空而轉，又繞鄧之頸。左盤右旋，千餘匝。其勢奔掣，其聲錚鏦。雖震電迅雷，無以加也。鄧據案危坐，喪精禡魄，雨汗浹體。莫知已身之所從。乃稽首祈謝曰：先生神術固已知矣。幸攝其威靈，無相見怖。潘笑舉一手，二白氣復貫掌中。若雲霧之乍收，數食間復爲二錫彈丸矣。鄧自此禮遇彌厚，表薦於烈祖，納焉。其後欲傳之於人，一夕夢其師怒，展擅洩靈術，傳非其人。陰奪其法，既寤不復能劔矣。

尋病終於紫極宮。臨終上言。乞桐棺葬於近地。後當尸解。上從之。使中貴人護葬於金波園。至保大中。元宗命親信發塚觀之。骸骨尚在。迄無異焉。

黃雨

進士黃可。字不可。孤寒樸野。深於雅道。詩句中多用驢字。如獻高侍郎詩云。天下傳將舞馬賦。門前迎得跨驢賓之類。又嘗謁舍人潘佑。潘教服槐子。云豐肌邵老明。旦潘公趨朝。天階未曙。見槐樹煙霧中。有人若猿狙之狀。進而視之。即可也。怪問其故。乃擁條而謝曰。昨蒙明公教服槐子。法故今日齋戒而啜之。潘大噉而去。



孫晟為尚書郎上賜一宅在鳳臺山西岡墮之間徙居之日羣公萃止韓熙載見其門卑巷陋謂孫曰湫隘若此豈稱為相第耶舉座莫喻其旨明年孫拜御史大夫旬月之間果正台席

昇元格盜物直三緡者處極法廬陵村落間有豪民暑雨初霽曝衣篋于庭中失新潔衾服衣少許計其資直不下數十千居廬僻遠人罕經行唯一貧人隣垣而已周訪蹤狀必為隣人盜

之乃誦于邑邑白郡郡命吏按驗歸罪于貧人  
詐服爲盜詰其賊卽言散鬻于市益不勝稱掠  
也赴法之日冤聲動人長吏察其詞色似非盜  
者未卽刑戮遂其案聞於朝廷烈祖命員外郎  
蕭儼覆之儼持法明辯甚有理聲受命之日乃  
絕葷茹齋戒理俾冥禱神祇晝夜兼行停雪冤  
枉至郡之日索案詳約始末迄無他狀儼是夕  
復焚香于庭稽首冥禱願降儼戒將行大辟翊  
日天氣融和忽有雷雨自西北起至失物之家震  
一牛盡剖其腹腹中得所失衣物乃是爲牛所噉  
猶未消潰遂赦貧民而儼驟獲大用  
諫議大夫張義方命道士陳友合還丹於牛頭山  
頻年未就會義方遘疾將卒恨不成九轉之功  
一旦命子弟發丹竈竈下有巨虺火吻錦鱗蛇  
蛭其間若爲神物護持乃取丹自餌一粒瘡虛而  
終當時識者以爲氣未盡服之陰者不壽也

劉仁贍鎮壽春用師堅壘三載蹙而不降一夕  
愛子沒舟於敵境艾夜爲小校所擒疑有叛志  
請于贍贍將行軍法監軍使憫救不廻復使馳  
告其夫人夫人曰某郎妾最小子携提愛育情  
若不及柰軍法至重不可私也名義至大不可  
虧也苟屈公議使劉氏之門有不忠之名妾與  
令公何顏以見三軍遂促令斬之然後成其喪  
禮戰士無不墮淚

高越

高越燕人也將舉進士文價藹然器宇森挺時人無  
出其右者鄂帥李公賢之待以殊禮將妻以愛女越  
竊諭其意因題鷹一絕書于屋壁云雪爪星眸衆鳥  
歸摩天專待振毛衣虞人莫謾張羅網未肯平原淺  
草飛遂不告而去後爲范陽王盧文納之爲壻與王  
萌歸烈祖累居清顯終禮部侍郎與江文蔚俱以詞  
賦著名故江南士人言體物者以江高爲稱首焉

朱匡業

朱匡業。劉存忠。雖無勳略。然以宿舊嚴整者。處還衛之長。劉彥貞。壽陽既敗。我師屢北京師危之。元宗臨軒。盱食問其守禦之方。匡業對曰。時來天地皆同力。運去英雄不自由。遂忤旨。流撫州。存忠在側。贊美匡業之言不已。流饒州。

韓渥

韓寅亮。渥之子也。嘗爲予言。渥捐館之日。溫陵帥開其家藏箱笥頗多。而絨繡甚密。人罕見者。意其必有珍翫。使親信發觀。惟得燒殘龍鳳燭。金縷紅巾百餘條。蠟淚尚新。巾香猶鬱。有老僕泣然而言曰。公爲學士日。常視草金鑾內殿。深夜方還。翰院當時皆官妓秉燭炬以送。公悉藏之。自西京之亂。得罪南遷。十不存一二矣。余卯歲。延平家有老尼。嘗說斯事。與寅亮之言頗同。尼卽渥之妾云耳。

張易

張易。爲太弟賓客。方雅真率。而好乘醉凌人。時論憚之。嘗侍宴昭愛宮。儲后持所愛玉杯。親酌易酒。捧翫勤至。有不顧之色。易張目排座。抗音而讓曰。殿下輕

人重器。不止虧損。至德恐怪聖人。慈儉之旨。言訖。碎  
王杯于殿柱。一座失色。儲后避席而謝之。

### 廬山道士

廬山九天使者廟。有道士忘其姓名。體貌魁偉。飲啖  
酒肉。有兼人之量。晚節服餌丹砂。噪於冲舉。魏王之  
鎮潯陽也。郡齋有雙鶴。因風所飄。憩于道館。翅翔嘹  
唳。若自天降。道士且驚且喜。焚香端簡。前瞻雲霓。目  
謂當赴上天之召。命山童控而乘之。羽儀清弱。莫勝  
其載。毛傷背折。血灑庭除。仰接久之。是夕皆繫。翌日  
馴養者。詰知其狀。訴于公府。王不之罪。處士陳沈闢  
之。爲絕句以諷云。咱肉先生欲上昇。黃雲踏破紫雲  
崩。龍腰鶴背無多力。傳語麻姑借大鵬。

### 慶王茂

慶王茂。元宗第二子也。雅言俊德。宗室罕倫。未冠而  
薨。上深軫悼。每顧侍臣曰。子夏喪明。不爲異也。或對  
曰。臣聞仁而不壽。仙經所謂煉形於太陰之中。然慶  
王必將待三后於三清。友王喬於玉除。伏望少寢。矜  
念。上泫然焉。

周宗

烈祖輔吳將有禪讓之事。人情尚懷彼此。一二不樂。周宗請之。上曰。吾夜夢為人引劍斷吾之頸。意所惡之。宗遽下堵拜賀曰。當策立耳。居數日而內禪。

王魯

王魯為當塗宰。頗以資產為務。會部民連狀訴主簿貪賄于縣尹。魯乃判曰。汝雖打草。吾已蛇驚。為好事者口實焉。

鄧亞文

鄧亞文高安鄉野之人也。烈祖時自尚書郎拜青陽令。升廳就案而食。自謂尊顯彌極。還語兒女輩云。當思為學。自致煙霄。吾為百里之長。聲鼓喚飯。腦後接筆。此吾稽古之力也。

宋齊丘

宋齊丘徵時曰者相之曰。君貴不可說。然亞夫下獄之相。是實有之位。極之日。當早引退。庶幾保全。齊丘登相位。駁致仕。復以大司徒就徵。保大末坐陳覺謀干記事。乃餓死于青陽。

馮權

元宗幼學之年。馮權常給使左右。上深所親信。每日我富貴之日。爲爾置銀靴焉。保大初聽政之暇。命親王及東宮舊寮。擊鞠歡極。頒賚有等語。及前事。卽日賜銀三十斤。以代銀靴。權遂命工鍛靴穿焉。人皆哂之。

元宗

元宗嗣位之初。春秋鼎盛。留心內寵。宴私擊鞠。略無虛日。常乘醉命樂工楊花飛。奏水調詞。進酒。花飛唯歌南朝天子好風流一句。如是者數四。上旣悟覆杯大憚。厚賜金帛。以旌敢言。上曰。使孫陳二主得此一句。固不當有銜壁之辱也。翌日罷諸權宴。留心庶事。圖闔弔楚。幾致治平。

常夢錫

常夢錫爲翰林學士。剛直不附。貴近側目。或謂曰。公罷直私門。何以爲樂。常曰。垂幃痛飲。面壁而已。蓋馮魏擅權之際也。

施仁

行傳

卷中

七

周業爲左街使信州刺史本之子也與劉郎素有隙  
劉卽長公主壻時爲禁師無何昇元中金陵告災業方潛飲人家  
醉不能起有聞上者上顧親信施仁望曰率衛士十  
人請災所見其馳救則釋不然就戮于牀仁望既往  
亟使召業家語之業大怖衣女子服奔見仁望仁望  
怒之洎火息復命至使殿門會劉郎先至亦將白災  
事仁望揣劉意不能蔽業又懼與之偕罪計出倉卒  
遽排劉越次見上曰火不爲災業誠如聖旨上曰戮  
之乎仁望曰業父本方臨敵境臣未敢卽時奉詔上  
撫凡大悅曰幾誤我事仁望自此大獲獎用業乃全  
怨

張子通

張子通旣貴其弟子遊好次薤露暑月衣犢鼻納涼  
門廡值里巷喪車過必徑趨羣挽中聲調清壯抑遏  
中節或至郊外通夕而歸喪家以子通故攝至客位  
常享醉飽其兄耻之雖戒勗終不能止



南唐近事卷下

明 高鴻業 閱

陳誨

陳誨嗜鴿馴養千餘隻誨自南劔牧拜建州觀察使去郡前一月群鴿先之富沙舊所無子遺矣又嘗因早衙有一鴿投誨之懷袖中爲鷹鷂所擊故也誨感之自是不復食鴿矣。

章齊一

章齊一爲道士滑稽無度善於嘲毀倡里樂籍多稱

其詞弟曰齊二。次日齊三。保大中任樂坊判官。一旦暴疾。齊一辭舌而終。

女冠耿先生

女冠耿先生。鳥爪玉貌。甚有道術。獲寵於元宗。將誕前三日。謂左右曰。我子非常。產之夕。當有異。及他夕。果震雷繞室。大雨河傾。半夜雷止。耿身不復孕。左右莫知所產。將子亦隨失矣。

陳繼善

陳繼善。自江寧尹。拜少傅。致仕。富於資產。性鄙屑。別營林池。未嘗暫適。既不嗜學。又杜絕賓客。惟自荷鋤理小圃成畦。以真珠之餘顆。若種蔬狀。布土壤。之間。記顆俯拾。周而復始。以此爲樂焉。

周宗

烈祖鎮建業日。義祖薨于廣陵。致意將有奔喪之計。康王已下諸公子。謂周宗曰。幸聞兄長家國多事。宜抑情損禮。無勞西度也。宗度王似非本意。堅請報簡。不信於烈祖。康王以忽遽爲詞。宗袖中出筆。復爲左右取紙。得故茗紙貼。乞手札。康王不獲已。而札曰。幸

就東府舉哀。多壘之秋。二兄無以奔喪爲念也。明年  
烈祖朝覲廣陵。康王及諸公子果執上手。大慟誣上  
不以臨喪爲意。詎讓百端。與動物聽。上因出王所書  
以示之。王靦顏而已。

杜業

兵部尚書杜業。任樞密。有權變。足機會。兵賦民籍。指  
之掌中。其妻張氏。妬悍尤急。室絕婢妾。業憚之。如事  
嚴親。烈祖嘗命元皇后。召張至內庭。誠之曰。業仇望  
通顯。得置妾媵。何拘忌如此。豈婦道所宜邪。張羸涕  
而言曰。業本狂生。遭逢如運。多壘之初。陛下所籍者。  
鴛馬未竭耳。而又早衰多病。縱之必貽其患。將誤于  
任使耳。烈祖聞之。大加獎嘆。以銀盆綵段賞之。

嚴求

烈祖輔吳。四方多壘。雖一騎一卒。必加姑息。然羣校  
多從禽。聚飲近野。或搔擾民庶。上欲糾之以法。而方  
藉其材力。思得酌中之計。問於嚴求。求曰。無煩繩之。  
易絕耳。請勅泰興海鹽諸縣。罷採鷹鷗。可不令而止。  
烈祖從其計。朞月之間。禁校無復游墟落者。

嚴求

嚴求微時爲陽邑吏。陽宰器之。待以賓禮。每日御當自愛。他日極人臣之位。吾不也。卿之貴幸以遺孤留意。暮年嚴亟登公輔。宰歿既久。其子理遺命。候謁嚴門。嚴贈擔石束帛而已。其子慊懷而退。嚴不甚顧。密遣家人賫黃金數十斤。伺于逆旅間。謝之曰。非陽宰之子乎。相君使奉金以備行李。又薦一官地宅。僕馬畢爲之置。其子他日及門致謝。嚴曰。聊以報尊府君平昔之遇耳。一見後終身謝絕焉。

孫漢威

烈祖輔吳日。與諸侯會射延賓亭。劉信擊牙注矢。揖擬四座。小校孫漢威。疑不利于上。忽引身障烈祖。以已當之。上自此益加寵遇。位至侍中九江帥。

劉信

劉信攻南康。終月不下。義祖譴信使者而杖之。詈曰。語劉信要背。卽背。何疑之甚也。信聞命大怖。并力急攻。次宿而下。凱旋之日。師至新林浦。犒錫不至。亦無所存勞。他日謁見。義祖命諸元勳爲六博之戲。以紓

前意信酒酣掬六殺于手曰。令公疑信欲背者。傾西江之水。終難自滌。不負公當一擲徧赤。誠如前言。則衆彩而已。信當自拘。不煩刑吏耳。義祖免釋不暇。投之於盆。六子皆赤。義祖賞其精誠。昭感。復待以忠貞焉。

李建勳

李建勳鎮臨川。方與寮屬會飲。都齋有送九江帥周宗書至者。訴以赴鎮日。近器用儀注。或闕求輟于臨川。李無復報簡。但乘醉大批其書一絕云。偶罷阿衡來此。歷固無間物。可應官。憑君爲報羣胥道。莫作循州刺史看。

李德誠

趙王李德誠鎮江西。有日者自稱。世人貴賤。一見輒分。王使女妓數人。與其妻滕國君同妝梳服飾。偕立庭中。請辨良賤。客俯躬而進曰。國君頭上有黃雲。羣妓不覺皆仰首。日者曰。此是國君也。王悅而遣之。

陳覺

陳覺微時。爲宋齊丘之役。及爲兵部侍郎也。其妻李

氏妬悍。親執尼。爨不置。妾媵齊丘。選姿首之婢三人。與之。李亦無難色。奉侍三婢。若舅姑禮。問其故。李曰。此令公寵倖之人。見之若面。令公何敢倨慢。三婢既不自安。求還宋第。宋笑而許之。

馮延巳

馮延巳鎮臨川。聞朝議已有除替。一夕夢通舌生毛。翊日有僧解之曰。毛生舌間。不可剃也。相公其未替乎。旬日之間。果已寢命。

張洎

張洎計偕之歲。爲閩師。燕王龔所薦。首謁韓熙載。韓一見待之如故。謂曰。子好一中書舍人。頃之韓主文。洎擢第不十年。果主綸闈之任。

李冠子

進士李冠子。善吹中管。妙絕當代。上饒郡公嘗聞於元宗。上甚欲召對。屬淮甸多故。盤桓葦月。戎務日繁。竟不獲見。出關日。李建勳贈一絕云。韻如古澗長流水。怨似秋枝欲斷蟬。可惜人間容易聽。新聲不到御樓前。

鍾傳

鍾傳鎮西江口。客有以覆射之法求謁。傳以曆日包一橘。致袖中。使射之。客口占一歌以揭之云。太歲當頭立。諸神莫敢當。其中有一物。常帶洞庭香。

程員

程員舉進士。將逼試。夜夢烏衣吏及門。告員曰。君與主倫。廖衢。陳度。魏清。並已及第。員夢中驚喜。理服馳馬詣省門。見楊遂。張觀。會顯。立街中。謂曰。榜在雞行何忽至此。員悵然而覺。秘不敢言。其年考功員外郎張似。權知貢舉。果於楊遂等三人。員輩卒無徵應。既夏。內降御札。尚慮遺賢。命張洎舍人。取所試詩賦。就中書重定。務在精選。洎果取員等五人。附來春別榜及第。明年歲在癸酉也。

李德來

李德來。任大理少卿。持法甚峻。忌刻便佞。時號李獬。見本無學術。詐稱博聞。每呼馬爲韓盧。樂工爲伶倫。諂佞爲蹇諤。以此貽譏於世。

木平和尚

木平和尚不知何許人也。保大初徵至闕下。傾都瞻禮。闔咽里巷。金帛之施。日積數萬。常出入宮禁中。他日從上登百尺樓。上曰。新建此樓。制度佳否。木平曰。尤宜。望火上。初不喻其旨。居數歲。木平卒。淮甸大擾。自壽陽置烽埃。以應龍安山。旦夕上多登覽。以瞻動靜。又上最鍾愛慶王。王初幼學。上問壽命幾何。木平曰。郎若聰明哲智。預知六十年事。壽當七十。是歲癸終。年十七。蓋反語以對之也。

李徵古

李徵古宜春人也。少時賤遊。嘗宿同郡潘長史家。是夜潘妻夢門前有儀注鞍馬擁劍鎧。衛隊約二百人。或坐或立。且云。太守在此。洎見乃寓宿秀才。覺後言于潘曰。此客非常人也。妾來晨略見饒酒。示鐘贈之。金扼腕曰。郎君他日富貴。慎勿相忘。李不可知也。來年至京。一舉成名。不二十年。自樞密副使除本州刺史。離闕日。元宗賜內庫酒二百瓶。以饗其。韓熙載放曠不稽。所得俸錢。即為諸姬分去。乃著衲



衣負筐令門生舒雅執手板于諸姬院乞食以爲笑  
樂使中國作詩云我本江北人去作江南客舟到江  
北來舉目無相識不如歸去來江南有人憶  
陶穀學士奉使恃上國勢下視江左辭色毅然不可  
犯韓熙載命妓秦弱蘭詐爲驛卒女每日弊衣持帚  
掃地陶悅之與狎因贈一詞名風光好云好因緣惡  
因緣只得郵亭一夜眠別神仙琵琶撥盡相思調知  
音少待得鸞膠續斷絃是何年明日後主設宴陶辭

色如前乃命弱蘭歌此詞勸酒陶大沮卽日北歸

### 韓熙載

韓熙載北人仕江南致位通顯不妨閑婢妾有北齊  
徐之才風侍兒往往私客客賦詩有云最是五更留  
不住向人枕畔著衣裳之句熙載亦不介意

南唐近事卷下終

南唐近事

卷下

武林舊事目錄

故都宮殿紀

南宋市肆紀

偏安藝流紀

教坊樂部紀

雜劇段數紀

幸張府節畧

南宋故都宮殿

泗水潛夫軒

門

麗正

南門

和寧

北門

東華

東門

西華

西門

苑東

苑西

北宮

南宮

南水門

東水門

會通

上閣

宣德

隔門

斜門

關門

玉華閣

含和

文

故都官殿

貽謨

二門係  
天章閣

殿

垂拱

常朝  
四參

文德

六參  
宣布

天慶

明堂  
朝賀

紫宸

生  
壽

集英

策  
十

以上謂之正朝亦有隨事更名者

後殿

延和

宿齋  
避殿

崇政

即祥  
曦

福寧

殿  
寢

復古

高宗  
建

選德

孝宗建御屏右  
監司郡守姓名

緝熙

應宗  
建

熙明

即脩政  
度宗建

明華

清燕

膺福

慶瑞

即順慶  
理宗改

射殿

需雲

大  
燕

符寶

貯恭膺天  
命之寶

嘉明

度宗以繹  
已堂改

明堂

即文德  
合祭改

坤寧

皇  
后

穠華

皇  
后

慈明

楊太后累朝母  
后皆旋更名

慈元

謝太  
后

仁明

全太  
后

進食

即勤  
政

欽先

神  
御

孝思

神  
御

清華

堂

翠寒

高宗以日本羅木  
建古松數十株

澄碧觀堂

芳春

凌寒

鍾美

丹  
柱

燦錦 海棠

燕喜

靜華

清賞

稽古 御書院

清遠

清徹

澄碧 水堂

藥淵

環秀 山堂

文園 御書院

書林 御書院

華館

衍秀

披香

德勤

雲錦 荷堂

清霽

萼綠華 梅堂度宗易名瓊姿

碧琳

凝光

澄輝

繡香

呈秀

會景 奇花石柱香榭 猗額瑪瑙石砌

正始 后殿謝后改壽寧殿

怡然 惠順位

信美 婉容位

齋

損齋 高宗建

葵齋

謹習齋

燕申齋

樓

博雅 書樓

觀德

萬景

清暑

清美

明遠

倚香

閣

龍圖

太祖太宗

天章

真宗並祀祖宗神御

寶文

宗仁

穠香

暗香

晚節香

菊

巖香

桂

雲岫

山亭

映波

含暉

達觀

秀野

凌寒

竹梅

涵虛

平津

真賞

方遠

垂綸

池近

魚樂

池

噴雪

水

流芳

芳嶼

山

玉質

此君

竹

聚芳

延芳

蘭亭

款湍

崇峻

惠和

浮醴

泛羽

並流杯亭

凌穹

山頂

迎熏

會英

正巳

射亭

丹暉

凝光

雪逕

梅

參月

共樂

迎祥

瑩粧

植杖

村莊

可樂

文杏

壺中天

別是一家春

度宗初創或謂此非佳識也未幾果驗

顯謨

神宗

徽猷

哲宗

敷文

徽宗

煥章

高宗

華文

孝宗

寶謨

光宗

寶章

寧宗

顯文

理宗

雲章

度宗御書

清華

凌虛

清瀟

倚桂

來鳳

觀音

芙蓉

萬春

太后殿

臺

欽天

奉天

宴春

秋芳

天開圖畫

舒嘯

踰臺

軒

晚清

閣

清華

睿思

怡真

容膝

受釐

綠綺

知春觀

雲濤

亭

清沫

清趣

清暉

清顯

清迴

清隱

清寒

清激水放

清翫

清興

靜香

靜華

春妍

春華

春陽

春信梅

融春

尋春

映春

餘春

留春

皆春

寒碧

寒香

香瓊

香玉梅

香界

碧岑

灑碧池魚

瓊英

瓊秀

明秀

深秀山

衍秀

濯秀

錦煙

錦浪花桃

繡錦

萬錦

麗錦

叢錦

照粧棠海

浣綺

綴金橘

綴瓊花梨

園

小桃源

杏塢

梅岡

瑤圃

村莊

桐木園

菴

寂然

怡真



坡

瑪瑙

洗馬

橋

萬歲

清平

春波

玉虹

泉

德泉

御舟

橈

荃橈

旱船

教場

南教場

北教場

禁中及德壽宮皆有大龍池萬歲山擬西湖冷泉  
飛來峯若亭榭之盛御舟之華則非外間可擬春  
時競渡及買賣諸色小舟並如西湖駕幸宣喚錫  
賚鉅萬大意不欲數蹕勞民故以此為奉親之娛

耳

御園

聚景園

故都宮殿

清波門外孝宗致養之地堂扁皆孝宗御書淳熙  
中屢經臨幸嘉泰間寧宗奉成肅太后臨幸其後  
並皆危廡不脩高踈寮詩云翠華不向苑中來可  
是年年惜露臺水際春風寒漠漠官梅却作野梅

開

會芳殿

瀛春堂

攬遠堂

芳華堂

花光亭

八角

瑤津

翠光

桂景

灑碧

涼觀

瓊芳

彩霞

寒碧

柳浪橋

學士橋

玉津園

嘉會門外紹興間北使燕射于此淳熙中孝宗兩  
幸紹熙中光宗臨幸

富景園

新門外孝宗奉太后臨幸不一俗呼東花園

屏山園

錢湖門外以對南屏山故名理宗朝改名翠芳園  
餘見西湖門

玉壺園

錢塘門外本劉鄜王園有明秀堂

集芳園

葛嶺元係張婉儀園後歸太后殿內有古梅老松甚多理宗賜賈平章舊有清勝堂望江亭雪香亭

等

瓊華園

小隱園

延祥園

西依孤山為林和靖故居花寒水潔氣象幽古三

朝臨幸

瀛嶼

在孤山之椒舊名涼堂四壁蕭照畫山水理宗易

今名今為太一宮黃庭殿

挹翠堂

舊名黑漆堂理宗御書

清新

舊六椽堂

香月

倚裏湖舊名水堂理宗御書

香遠

舊秀蓮亭

白蓮堂

六一泉堂

檜亭

梅亭

上船亭

文部官設

東西車馬門

西村水閣

御舟港

林逋墓

陳朝檜

有御書詩

金沙井

瑪瑙坡

六一泉

高疎寮詩云水明一色抱神州雨壓輕塵不敢浮

山北山南人喚酒春前春後客凭樓射熊館暗花

扶辰卜鵠池深柳拂舟白髮邦人能道舊君王曾

奉上皇遊

游蘄

聚遠樓

高宗雅愛湖山之勝恐數蹕煩民乃於宮內鑿大

池引水注之以象西湖冷泉疊石爲山作飛來峯

因取坡詩賴有高樓能聚遠一時收拾與人間名

之周益公進端午帖子云聚遠樓高面面風冷泉

亭下水溶溶人間炎熱何由到真是瑤臺第一重

孝宗御製冷泉堂詩以進高宗和韻真盛事也

香遠堂

荷

清深堂

竹

松菊三徑

菊莢  
蓉竹

梅坡

月榭

清妍

茶  
蘄

清者宮屏

清新桂

芙蓉岡已上並東地分

射廳

載忻堂御宴之所

臨賦池荷

粲錦金林檎

至樂池

清曠桂

半綻紅李柳

瀉金魚池已上並南地分

冷泉堂古梅

文杏館

宮

德壽宮孝宗奉親之所

重華宮孝宗內禪所居

慈福宮宮聖壽成二太后所居

壽慈宮即慈福宮改

東宮

資善堂

鳳山樓

榮觀堂

玉淵堂

清賞堂

新益堂

繹巳堂

射圃

仁王殿

十一

南宋市肆紀

泗水潛夫輯

諸市

藥市

炭橋

花市

官巷口

珠子市

融和坊南官巷

米市

北關門外黑橋頭

肉市

大瓦脩義坊

菜市

新門外東青門獅子頭

鮮魚行

候潮內外

魚行

北關門外水水橋

南猪行

候潮內外

北猪行

打猪巷

布行

便門外橫河頭

蟹行

新門外南土門

花園

官巷口錢塘門內

青菓團

候潮門內泥路

棋子團

後市街

鰲團

便門外渾水關

書房

橋頭

市肆紀

瓦子勾欄

南瓦 清冷橋 熙春樓 中瓦 三元樓

北瓦 象安橋亦 名下瓦 蒲橋瓦 亦名 東瓦

候潮門瓦 候潮門外 小偃門瓦 小偃門外 新門瓦 亦名四通館瓦

薦橋門瓦 薦橋門外 菜市門瓦 菜市門外 錢湖門瓦 省馬院前

赤山瓦 後軍寨前 行春橋瓦 北郭門瓦 又名大 通店

米市橋瓦 舊瓦 石板頭 嘉會門瓦 嘉會門外

北關門瓦 又名新瓦 艮山門瓦 艮山門外 羊坊橋瓦

王家橋瓦 龍山瓦 城內隸脩內司 城外隸殿前司

如北瓦羊棚樓等謂之邀棚外又有勾欄甚多北瓦內勾欄十三坐最盛或有路岐不入勾欄只在要闊寬濶之處做場謂之打野呵此又藝之次者

酒樓

和樂樓 昇陽宮南庫 和豐樓 武林園上庫 中和樓 銀甕子中庫

春風樓 北庫 太和樓 東庫 西樓 金文庫

太平樓 豐樂樓 南外庫

北外庫 西溪樓

已上並官庫屬戶部點檢所每庫設官妓數十人

各有金銀酒器千兩以供飲客之用每庫有祇直者數人名曰下番飲客登樓則以名牌點喚侑樽謂之點花牌元夕諸妓併番互移他庫夜賣各戴杏花冠兒危坐花架然名娼皆深藏邃閣未易招呼肴核杯盤亦各隨意携至庫中初無庖人官中趨課初不藉此聊以粉飾太平耳往往皆學舍士夫所據外人未易登也

熙春樓

三元樓

五間樓

賞心樓

嚴厨

花月樓

銀馬杓

康沈店

翁厨

任厨

陳厨

周厨

巧張

日新樓

沈厨

鄭厨

只賣好食雖海鮮頭羹皆有之

蛇蟻

賣酒

張花

已上皆市樓之表表者每樓各分小間餘酒器悉用銀以競華侈每處各有私名妓數十輩皆時粧祛服巧笑爭妍夏月茉莉盈頭香滿綺陌凭檻招邀謂之賣客又有小鬟不呼自至歌吟強聒以



求支分謂之擦坐又有吹簫彈阮息氣鑼板歌唱  
散耍等人謂之趕趁及有老嫗以小爐炷香爲供  
者謂之香婆有以法製青皮杏仁半夏縮砂荳蔻  
小蠟茶香藥韻薑砌香橄欖薄荷至酒閣分俵得  
錢謂之撒嚙又有賣玉面狸鹿肉糟决明糟蟹酒  
蛤蜊柔魚鰕茸鱗乾者謂之家風又有賣酒浸江  
蟠章舉蠟肉龜脚鎖管蜜丁脆螺蠟醬法鰕子魚  
鰕魚諸海味者謂之醒酒口味凡下酒羹湯任意  
索喚雖十客各欲一味亦自不妨過賣鎗頭記憶  
數十百品不勞再四傳喝如流便即製造供應不  
許少有違悞酒未至則先設看菜數碟及舉杯則  
又換細菜如此屢易愈出愈奇極意奉承或少樽  
客意及食次少遲則主人隨逐去之歌管歡笑之  
聲每夕達旦往往與朝天車馬相接雖暑雨風雪  
不少減也

歌館

平康諸坊如上下抱劍營漆器墻沙皮巷清河坊  
融和坊新街太平坊巾子巷獅子巷後市街薦橋

皆羣花所聚之地外此諸處茶肆

清樂茶坊

八仙茶坊

珠子茶坊

潘家茶坊

連三茶坊

連二茶坊

及金波橋等兩河以至瓦市各有等差莫不靚粧  
迎門爭妍賣笑朝歌暮絃搖蕩心目凡初登門則  
有提瓶獻茗者雖杯茶亦犒數千謂之點花茶登  
樓甫飲一杯則先與數貫謂之支酒然後呼喚提  
賣隨意置宴趕趁祇應撲賣者亦皆紛至浮費頗  
多或欲更招他妓則雖對街亦呼肩輿而至謂之  
過街轎前輩如賽觀音孟家蟬吳隣兒等甚多皆  
以色藝冠一時家甚華侈近世目擊者惟唐安安  
嚴號富盛凡酒器沙羅水盆火箱粧合之類悉以  
金銀爲之帳幔茵褥多用錦綺器玩珍奇他物稱  
是下此雖力不逮者亦競鮮華蓋自酒器首飾被  
臥衣服之屬各有賃者故凡佳客之至則供具爲  
之一新非曾遊者不察也

貨物

花檐

酒檐

首飾

衣服

被臥

轎子 布囊 酒器 幃設 動用

盤合 喪具

凡吉凶之事自有所謂茶酒厨子專任飲食請客  
宴席之事凡合用之物一切賃至不勞餘力雖廣  
席盛設亦可咄嗟辦也

作坊

熟藥圓散 生藥片飲 麩麩

糰子 饅頭 糗炕鴛鴨

糗炕猪羊 唐密棗兒 諸般糖

金橘團 灌肺 餛子

糞豆 印馬 蚊烟

都民驕惰凡賣買之物多於作坊行販已成之物  
轉求什一之利或有貧而鳳者凡貨物盤架之類  
一切取辦於作坊至晚始以所直償之雖無分文  
之儲亦可糊口此亦風俗之美也

驕民

都民素驕非惟風俗所致蓋生長輦下勢使之然  
若住屋則動蠲公私房賃或終歲不償一銀諸務

市身紀  
稅息亦多蠲放有連年不收一孔者皆朝廷自行  
抱認諸項窠名恩賞有黃榜錢雪降則有雪寒錢  
久雨久晴則又有賑恤錢米大家富室則又隨時  
有所資給大官拜命則有所謂搶節錢病者則有  
施藥局童幼不能自育者則有慈幼局貧而無依  
者則有養濟院死而無殮者則有漏澤園民生何  
其幸歟

游手

美人局

以娼優為姬妾  
誘引少年為事

櫃坊賭局

以博戲關樸結  
黨手法騙財

水功德局

以求官覓舉恩澤遷轉訟事交  
易等為名假借聲勢脫漏財物

浩穰之區人物盛夥游手奸黠實繁有徒有所謂  
美人局之類不一而足又有買賣物貨以偽易真  
至以紙為衣銅鉛為金銀土木為香藥變換如神  
謂之白日賊若闖闖之地則有剪脫衣囊環珮者  
謂之覓貼見其他穿窬胠篋各有稱首以至頑徒  
如攔街虎九條龍之徒尤為市井之害故尹京政  
先彈壓必得精悍鈎鉅長於才術者乃可都轄一

市食  
房有都轄使臣總轄供申院長以至廂巡地分頭  
項火下凡數千人專以緝捕為職其間雄駟有聲  
者往往皆出羣盜而內司又有海巡八廂以察之

市食

鶴鶉餠餉兒 肝臟餛飩 香藥灌肺

灌腸 猪胰胡餅 羊脂韭餅

窩絲薑豉 剗子 科斗細粉

玲瓏雙條 七色燒餅 雜爍

金錠裹蒸 市羅餛飩 寬焦薄脆

糕糜 旋灸犯兒 八糙鵝鴨

灸鷄鴨 爇肝 罐裏爇

爇鰻鱧 爇團魚 煎白腸

水晶膾 煎鴨子 臙驢兒

焦蒸餅 海螯鮓 薑蝦米

辣糞粉 糖葉子 豆糰

麻糰 螺頭 膘皮

辣菜餅 炒螃蟹 肉蔥糞

羊血 鹿肉犯子

菓子

皂兒膏 宜利少 瓜萋煎

鮑螺 裏蜜 糖絲

澤州錫 蜜麻酥 炒團

澄沙團子 十般糖 甘露餅

玉屑膏 爇木瓜 糖脆梅

破核兒 查條 橘紅膏

蜜薑鼓 韻薑糖

花花糖 二色灌藕 糖豌豆

芽豆 栗黃 烏李

酪麪 蓼花 蜜彈彈

望口消 桃穰酥 重劑

蜜棗兒 天花餅 烏梅糖

玉柱糖 乳糖獅子 薄荷蜜

琥珀蜜 錫角兒 諸色糖蜜煎

菜蔬 蕪花茄兒 辣瓜兒

薑油多 藕鮮 冬瓜鮮

笋鮓

茭白鮓

皮醬

糟瓊枝

蓴菜笋

糟黃芽

糟瓜藟

淡鹽藟

鮓菜

醋薑

脂麻辣菜

拌生菜

諸般糟淹

鹽芥

粥

七寶素粥

五味粥

粟米粥

糖豆粥

糖粥

糕粥

餛子粥

菜豆粥

肉盒飯

犯鮓

算條

界方條

線條

魚肉影戲

胡羊犯

削脯

槌脯

鬆脯

兔犯

麀犯鹿脯

糟猪頭

乾鹹豉

皂角鋌

臘肉

炙骨頭

旋炙荷包

荔枝皮

鵝鮓

荷包旋鮓

三和鮓

切鮓

骨鮓

桃花鮓

雪團鮓

玉板鮓

鱒鯉鮓

春子鮓

黃雀鮓

銀魚鮓

蠟鮓

凉水

甘豆湯

椰子酒

豆兒水

鹿梨漿

滷海水

薑蜜水

木瓜汁

茶水

沉香水

荔枝膏水

苦水

金橘團

雪泡縮脾飲

梅花酒

五苓大順散

香薷飲

紫蘇飲

糕

糖糕

蜜糕

栗糕

粟糕

麥糕

豆糕

花糕

糍糕

雪糕

小饅糕

蒸糖糕

生糖糕

蜂糖糕

線糕

間炊糕

乾糕

乳糕

重陽糕

社糕

蒸作從食



子母鹽

春鹽

大包子

荷葉餅

芙蓉餅

壽帶龜

子母龜

歡喜

撚尖

剪花

小蒸作

駱駝蹄

大學饅頭

羊肉饅頭

細餡

糖餡

豆沙餡

蜜辣餡

生餡

飯餡

酸餡

笋肉餡

麩葷餡

棗栗餡

薄皮

蟹黃

灌漿

臥爐

鵝項

棗餠

仙桃

乳餅

菜餅

秤錘蒸餅

睡蒸餅

千層

鷄頭籃兒

鵝彈

月餅

饊子

炙焦

肉油酥

燒餅

火棒

小蜜食

金花餅

市羅

蜜劑

餅餡

春餅

胡餅

韭餅

諸色餃子

諸色包子

諸色角兒 諸色從食 諸色果食

諸色酒名

薔薇露 流香並御庫 宣賜碧香

思春堂三省激賞庫 鳳泉殿司 玉練槌祠祭

有美堂 中和堂 雪醅 常酒出賣

真珠泉 皇都春出賣 爰谷堂浙東倉

和酒出賣並京醞 皇華堂浙西倉 爰谷堂浙東倉

瓊花露揚州 六客堂湖州 齊雲清露 得江並東總

雙瑞並蕪州 愛山堂 十洲春

留都春 靜治堂並江閩 海岳春西總 籌思堂江東漕

玉醅並海閩 蓬萊春越州 第一江山 浮玉春並鎮江

清若空秀州 錦波春 浮玉春並鎮江

北府兵厨 銀光並建康 清心堂

秦淮春 蒙泉並溫州 瀟灑泉嚴州

豐和春 思政堂 龜峯並衛州

金斗泉 穀溪春蘭溪 慶遠堂秀邨

錯認水婺州 藍橋風月吳府 紫金泉楊郡王府

清白堂楊府 藍橋風月吳府 紫金泉楊郡王府

慶華堂

楊駢馬府

元勳堂

張府

眉壽堂

萬象皆春

並榮邸

濟美堂

勝茶

並謝府

點檢所酒息日課以數十萬計而諸司邸第及諸州供送之酒不與焉蓋人物浩繁飲之者衆故也

小經紀

他處所無有

班朝錄

供朝報

選官圖

諸色科名

開先牌

寫牌額

裁板尺

諸色指揮

織經帶

棋子棋盤

蒲押骰子

交牀試藍

賣字本

掌記冊兒

諸般簿子

諸色經文

刀冊兒

紙畫兒

扇牌兒

印色盤

剪字

纏令

耍令

琴阮絃

開笛

靜笙

鞞鼓

口簧

位牌

諸般盤兒

屋頭掛屏

剪鏃花樣

簷前樂

見成皮鞵

提燈龕燈

頭鬚編掠

香櫟絡兒

香櫟坐子

柱杖

粘竿 風旛 釣鈎

釣竿 食罩 吊掛

拂子 蒲坐 椅褥

藥焙 烘藍 風袋

煙帚 糊刷 鞦韆

桶鉢 搭羅兒 薑擦子

帽兒 鞦帶 脩皮鞦

穿校椅 穿墨恩 鞦結底

領抹 釵朶 牙梳

穿珠 洗翠 脩冠子

小梳兒 染梳兒 接補梳兒

香袋兒 面花兒 絹孩兒

符袋兒 畫眉七香丸 膠紙

穩步膏 手皺藥 涼藥

香藥 膏藥 髮塚兒

頭髮 磨鏡 弩兒

弩絃 彈弓 箭翎

射貼 壺簫 鶉鴿鈴

風箏

藥線

象棋

鞦韆

斗葉

香爐灰

紕刷兒

篦子剔

剪截段尺

出洗衣服

簇頭消息

提茶甌

鼓爐釘鉸

釘看窗

札慰斗

供香餅

使綿

打炭鑿

補鍋子

泥竈

整漏

箍桶

襍膊兒

竹猫兒

消息子

老鼠藥

蚊烟

淘灰十

淘河

剔撥叉

黃牛糞灰

挑疥蟲

賣煙火

鏃影戲

若夫兒戲之物名什甚多尤不可悉數如相銀杏  
猜糖吹叫兒打嬌惜千千車輪盤兒每一事率數  
十人各專藉以為衣食之地皆他處之所無也

諸色伎藝人

御前應制

姜梅山

特立觀  
察使

周葵窻

端  
臣

曹松山遼

陳藏一

郁

徐良

陳愛山

程奎

耿待聘

御前畫院

馬和之

蕪漢臣

李

陳善

林春

夏圭

李迪

遠

馬麟

此載武林舊事豈特備叅訂資博洽補史氏之遺  
蓋有風人之義存焉温陵留志淑書

藝流供奉志

泗水潛夫

綦待詔

鄭日新

越重

吳俊臣

安吉具

施茂

施棚孫

朱鎮

章先

杜黃

象

徐彬

象

林茂

象

禮重

象

尚端

象

沈姑姑

女流象

金四官人

象

上官夫人

象

王安哥

象

李黑子

象

書會

李霜淮 作賺 絕倫

李大官人 詞 譚

葉庚

周竹窻 平江周一郎 孫 糊

賈廿二郎

演史

喬萬卷 許貢士

張解元

周八官人 檀溪子

陳進士

陳一飛 陳三官人

林宣教

劉進士 筆八官人

徐繼先

彭書生 戴書生

張小娘子

宋小娘子 陳小娘子

李黑子

陸進士 丘機山

說經

長嘯和尚 彭道 名法 和

陸妙慧 女流

念信庵 陸妙靜 女流

周春辨 和尚

達理 和尚 嘯庵

隱秀

借庵 保庵

戴悅庵

息庵 混俗

許安然

有緣 和尚 戴忻庵

小說

藝流共奉志

蔡和

李公佐

小張四郎

朱修 德壽宮

孫奇 德壽宮

任辨 御前

施王 御前

葉茂 御前

方端 御前

劉和 御前

王辯 鐵衣親兵

盛顯

王琦

陳良

王班直 洪

翟四郎 升

游張二

許濟

張黑踢

俞住庵

包頭陳彬

秦州張顯

酒李一郎 國林

喬宜

王四郎 明

王十郎 國林

王六郎 師占

胡十五郎 彬

故衣毛三

倉張二

棗兒徐榮

徐保義

汪保義

張柏

張訓

沈佺

沈喞

湖水周

燒肝木

掇條張茂

王三教

徐茂 象牙孩兒

王王管

翁彥

嵇元

陳可庵

林茂

夏達

明東

王壽

白思義

史惠英 女流



影戲

賈震

賈堆

三賈

賈偉賈儀賈佑

尚保義

三伏

伏夫伏二伏三

沈顯

陳松

馬俊

馬進

王三郎

昇

朱祐

蔡諮

張七

周端

郭真

李二娘

隊戲

王潤興

女流黑媽媽

唱賺

濮三郎

扇李三郎

郭四郎

孫端

葉端

牛端

華琳

黃文質

盛二郎

顧和

蠟燭

馬升

熊春

梅四

汪六

沈二

王六

許曾三

邵六

偉

小王三

媳婦徐

沈七

謝一珪

小唱

蕭婆

韓太師府

賀壽

陳尾犯

畫魚周

陸思顯

都管

笙張

周願齋

執禮

仵都事

丁八

丁未年撥入勾欄弟子嘌唱賺色

施二娘

時春春

時住住

何總憐

童二

嚴偏頭

白大鼻

葛四

徐勝勝

耿四

朱安安

陳伴伴

火虎頭

余元元

錢寅奴

鼓板

段防禦

捨生

張眼光

張開

張驢兒

謂之三張

陳宣娘

笛

陳喜生

拍

周雙頂

潘小雙

陳喜

拍

莫及

來七

董大有

金四

札子皮

朱關生

雜劇

趙泰

慢星子

女流

王侯喜

宋邦寧

唐都管

世榮

三何

晏喜晏清晏然

鋤頭段

啣伶頭

諸國朝

宋朝清

王太鐵笠

郝成小鉄

宋喜

宋國珍

趙恩

王太

吳師賢

朱太猪兒頭

王見喜

鐵太

馮舜朝

王珍美

吳國賢

鄭太

惠恩澤

時和

顏喜

蕭金蓮

一窟王

時豐稔

時國昌

金寶

趙祥

吳國昌

王吉

王雙蓮女流

沈小橋

杜太

雜扮

鐵刷湯

江魚頭

兔兒頭

菖蒲頭

眼裏喬

胡蜀葵

迎春雷

卓郎婦

笑靨兒

科頭扮

韻梅頭

小菖蒲

金魚兒

銀魚兒

胡小俏

周喬

鄭小俏

魚得水日

王道大

王壽香日

厲太

顧小喬

陳橋皮

小橋皮

菜市喬

自來俏

彈唱因緣

童道

費道

蔣居安

陳遂

李道

沈道

顧善友

甘道

俞道

俞康孫

張道

唱京詞

蔣郎婦

孟客

吳郎婦

馬客

諸宮調

傳奇

尚節婦

黃淑卿

王雙蓮

哀本道

唱耍令

大禍胎

小禍胎

李俊

陳香淵

大小王

熊二

路叔卿

陳昌

葉道道情

王保

王定

陸槐

郭忠

牛昌

郭雙蓮

陳新

徐喜

趙防禦

雙無目御前

唱撥不斷

張鬚子

黃三

說諢話

蠻張四郎

商謎

胡六郎

魏大材

張振

周月岩

江西人

蠻胡和尚

東吳秀才

陳贊

張月齋

陳機和尚

魏智海

小胡六

馬定齋

王心齋

覆射

女郎中

學鄉談

方齋郎

舞縮百戲

張過喜

劉仁貴

朱十將

常十將

錯安頭

歡喜頭

柴小昇歌

林賽哥

張名貴

聖流傳本元八

花念一郎  
花中寶

神鬼

謝興哥  
花春  
王鐵一郎

王鐵三郎

撮弄雜藝

林遇仙  
趙十一郎  
趙家喜

渾身手  
張寶歌  
王小仙

姚遇仙  
趙廿五郎  
趙世昌

趙世祥  
耍大頭踢弄  
金寶

施半仙  
金逢仙  
林遇仙

小關西  
陸壽  
施小仙

女姑姑  
泥丸

王小仙  
施半仙  
章小仙

袁承局

頭錢

包顯  
包喜  
包和

黃林

藝苑共萃志

九

踢弄

吳金脚

耍大頭

吳鷄子

傀儡懸絲杖頭藥發  
肉傀儡水傀儡

陳中喜

陳中喜

盧金線

鄭榮喜

張金線

張小僕射杖頭

劉小僕射水傀儡

張逢喜肉傀儡

頂撞踏索

李賽強

一塊金

李真會

尚生強

清樂

黃顯貴

沒眼動樂

角觥

王僥大

張關索

撞倒山

劉子路

盧大郎

鐵板杏

賽先生

金重旺

賽板杏

曹鐵凜

賽僥大

賽關索

周黑大

張僥大

劉春哥

曹鐵拳

王急快

嚴關索

韓銅柱

韓鐵僧

王賽哥

一拔條

溫州子

韓歸僧

黑八郎

鄭排

昌化子

小佳哥

嚴鐵條

武當山

金壽哥

周僧兒

廣大頭

孟來任

董急快

董僥六

周板香

鄭三任

周重旺

小關索

小黑大

阮捨哥

傳賣鮮

鄭白大

喬相撲

元魚頭

鶴兒頭

鴛鴦頭

蹴毬

黃如意

范老兒

小孫

張明

蔡潤

射弩兒

周長遊弩

康沈造箭

黃一秀

查大

林四九娘流女

散耍



楊寶

陸行

莊秀才

沈喜

桃菊

裝秀才

陳齋郎

花花帽孫秀

吟叫

吳百四

姜阿得

鍾勝

余慶

潘喜壽

蘇阿黑

合生

雙秀才

沙書

金道

姚遇仙

李三郎

馮人喜

李三

教飛禽

蟲蟻

熊教

趙十一郎

趙十七郎

猢猻王

弄水

啞八

畫牛兒

僧兒

謝捧

放風箏

周三

呂偏頭

煙火

陳太保

夏島子

說藥

楊郎中

徐郎中

喬七官人

捕蛇

戴官人

七聖法

杜七聖

消息

陸眼子

高道

乾淳教坊樂部

泗水潛夫

雜劇色

德壽宮

劉景長

使臣

王喜

保義郎頭名都管使臣  
又名公謹號玩隱老人

茅山重

茅芽頭

蓋門貴

蓋門慶

末

侯諒

次末侯  
大頭

張順

曹辛

宋興

燕子頭

李泉現

引兼舞  
三臺

衙前

教坊樂部

龔士美

使臣都管

劉恩深

都管

陳嘉祥

節級

吳興祐

德壽宮引兼舞三臺

吳賦

金彥昇

管幹教頭

王青

孫子貴

引

潘浪賢

引兼末部頭

王賜恩

引

吳慶全

蠟燭頭

周泰

次

郭名顯

引

宋定

次德壽宮蚌蛤頭

劉信

副部頭

成貴

副

陳烟息

副大

王侯喜

副

孫子昌

副末節級

焦色金

楊名高

末

宋昌榮

副歡喜頭

前教坊

伊朝新

王道昌

前鈞容直

杵穀豐

五味粥

李外善

和頤

劉慶

次劉袞

梁師孟

朱和

次貼衙前鱗魚頭

甯貴

甯鑣

蔣寧

次貼衙前利市頭

司進

絲瓜兒

郝成

次貼衙前小鈿兒

高門興

高門顯

羔頭兒

高明

燈搭兒

張舜朝

趙民歡

司政

仙鶴兒

劉貴

段世昌

段子貴

文坊樂部

龔安節

嚴父訓

宋朝清

宋昌榮

二名守  
衙前

周旺

丈八  
頭

下疇

宋吉

伊俊

汪泰

王原全

次貼  
衙前

王景

鄭喬

王來宣

張顯

守闕祇  
應黑俏

焦喜

焦柳  
頭

歌板色

德壽宮

李行高

兼  
笛

衙前

王信

兼  
拍

拍板色

衙前笛色王均齋策色  
鄭彥周賢良兼拍板

德壽宮

劉益

使  
臣

謝春澤

衙前

吳興祖

節  
級

趙永

部  
頭

花成

時世俊

守闕  
節級

前鈞容直

崔喜

琵琶色

衙前豪師  
古兼琵琶

德壽宮

胡未年

武功大夫

謝聖澤

衙前

焦進

部頭

趙昌祖

段從容

和顧

吳良輔

豪士英

曹彥國

簫色

衙前

曾延慶

部頭

劉珣

周濟

部頭

和顧

朱世昌

兼箏

王謹

劉宗坦

周亨

陳籥

稽琴色

德壽宮

曹友聞

承節郎守  
闕都管

衙前

楊春和

人員守  
闕都管

魏國忠

節級  
兼舞

孫良佐

高俊

馮師賢

和顧

劉運成

趙進杖鼓兼

惠和

馮師賢

王處仁

箏色

德壽宮

朱邦直忠訓郎

張行福部頭

豪士良

高俊

衙前

前教坊

聶廷俊

前鈞容直

李吉

笙色

德壽宮

湯士成

孫顯祖

衙前

朱世寧節級

豪師古兼琵琶

傅紹管幹人

秀坊集部

鄧孝仁

趙福兼德壽官

前鈞容直

吳勝

前教坊

劉末顯

和顧

張世宗

康彥和

王典祖

臧築色

德壽官

田正德教坊大使

鞠思忠

孫慶祖

劉舜俞

陳永良

衙前

李祥守闕節級

仇彥節級

王恩節級

李和部頭

時世榮部頭

王正德

王道和

慢守恭

李遇

金宗信兼德壽官

鄭彥兼拍板

張勻

劉道

曹彥興

吳良佐

朱貴管幹人

孟誠

陳祐

教坊樂部



丘彥 營幹人

鄧孝元

王永

周賢良

陳師授 兼德壽官

陳永良

前教坊

戚興道

李彥美

郭席珍

前鈞容直

王宣

唐政

和顧

千慶 兼舞

馮宣

王椿

倪潤

李祥 守盟都級

陳繼祖

季倫

張彥明

陳良壽

馮異

商翼

時世顯

王文信

王延慶

謝潤

張榮

第三名守關衙前

時顯祖

費仍裕

任再典

李樂正

秦邦彥

鄭彬

時允恭

金潤

王壽

王思齋

于成

孫良輔

崔顯

盧茂春

王師忠

宋康寧

張端

顧宣

王仲禮

郭建宗

劉順 守關 衙前

笛色

德壽宮

元守正 忠翊 郎

孫福 使 臣

孫繼祖

張行謹

衙前都管

孫福 使 臣

朱榛 人員 守 關 都管

張守忠 節 級

楊勝 節 級

王喜 節 級

張師孟 節 級

岳興 部 頭

李智友

段從禮

朱順

陳俊

雷興祖

王仕寧

時寶 部 頭 兼 德 壽 宮

孫進

郭彥

楊選 兼 德 壽 宮

金儀

趙俊 守 關 節 級

趙順

楊元慶

時定

趙興祖

陰顯祖

丘遇

徐識

孫顯

王筠 兼 德 壽 宮 拍 板

張榮

郭亨

元舜道

前教坊

金宗訓

俞德

謝祖良

曾延廣

李進

前鈞容直

王喜

俞德

冀恩

和顧

張億

茆慶

張師顏

劉國臣

趙昌

張廣

元舜臣

沈琮

胡良臣

王師仲

徐亨

張義

林顯

鄭清

陳士恭

巫彥

朱世榮

朱紹祖

翟義

張孝恭

汪定

費興

李昇

馮士恭

陳寶

楊善

尹師授

張介

賀宣

朱榮

朱元

軒定

張成

閻興

王和

陳煥

文方樂部

九

張世亨

許珍

張淵

孫顯宗

崔成

守闕  
衙前

方響色

德壽宮

齊宣

田世榮

衙前

葛元德

郭頭

于喜

齊宗亮

管幹人

前鈞容直

高福

和顯

馬仲榮

尹朝

于通

劉才高

杖鼓色

德壽宮

張名高

孟清

衙前

高宣

節級

時思俊

守闕節級  
部頭兼板

程盛

齊喜

孟文叔

守闕  
節級

時和

鄧友端

徐宗旺

吳興福

兼德壽宮

鄧世榮

張興祿

管幹人

葉喜

前教坊

鞠端

前鈞容直

閻典

邢智

和顧

張上成

張潤

張義

張世昌

張世顯

孫榮

段錦新

蔡顯忠

齊宗景

郭興祖

時康寧

高潤

張臯

傅良佐

李晉臣

思芸

范琦

段錦

大鼓色

德壽宮

張佑

李吉

衙前

董福頭部

李進

周均小唱

張佑兼德壽官

和顧

趙慶兒鼓

劉成

孫成鼓兒習學大鼓

王富勾般習學大鼓

尹師聰兒鼓

張守道唱道情

張昇兒鼓

宋棠掌儀下書寫文字

喻祥小唱

錢末守闕衙前

舞旋稽琴魏國忠琵琶豪士英並兼舞三臺

德壽官

劉長佑武德郎

衙前

杜士康

和顧

于慶

雜劇四甲

劉景長一甲八人

戲頭李泉現

引戲吳興佑

次淨茆山重侯諒周泰

副末王喜

裝旦吳子貴

蓋門慶進香一甲五人

戲頭孫子貴

引戲吳興佑

次淨侯諒

副末王喜

內中祇應一甲五人

戲頭孫子貴

引戲潘浪賢

次淨劉袞

副末劉信

潘浪賢一甲五人

戲頭孫子貴

引戲郭名顯

次淨周泰

副末成貴

築毬三十二人

左軍一十六人

毬頭張俊

蹻毬王憐

正挾朱選

副挾施澤

左竿網丁詮

右竿網張林

散立胡椿等

右軍一十六人

毬頭李正

蹻毬朱珍

正挾朱選

副挾張寧

左竿網徐賓

右竿網王用

散立陳俊等

雜班

雙頭侯諒

散要劉袞劉信

小樂器

絃琴曹友聞

簫管孫福

箏劉運成

拍侯諒

鼓板

衙前一火

笛楊勝張師孟

鼓兒尹師聰

拍張順

和顧二火

笛張成

老僧

閻俊

望伯

張喜

鼓兒張昇

笛王和

小四

鼓兒孫成

換僧

拍張榮

狗兒

馬後樂

拍板吳興祖

膚築田正德

孫慶祖

陳師授

笛孫福

時寶

元守正

提鼓孫子貴

札子孟清



時世俊

高宣

吳興福

張興祿

內中上教博士

王喜

劉景長

曹友聞

朱邦直

孫福

吳末年

各支月銀  
一十兩

雜劇

王喜

侯諒

吳興福

吳興佑

劉景長

張順

拍板

田正德

謝春澤

琵琶

胡末年

舞

劉良佐

嵇琴

曹友聞

楊春和

箏

朱邦直

方響

齊宣

笙

楊士成

纂

劉運成

膚築

孫慶祖

笛

孫福

時寶

掌儀範等合千人

掌儀範

朱邦直

曹友聞

元守正

孫福

朱榛守

衙前都管

劉思深

孫福

王公謹守

管幹教頭

朱貴

張典祿

丘彥

教坊樂部

八

十六

傅紹

齊宗亮

逐色部頭

劉信

趙永

焦進

周濟

楊春和

宋世寧

李和

時世榮

時寶

岳興

葛元德

高宣

董福

時世俊

杜士康

潘浪賢

雜劇段數

吳

周密

爭曲六么

扯攔六么

教鰲六么

鞭帽六么

衣龍六么

王子高六么

孤奪旦六么

厨子六么

崔護六么

骰子六么

照道六么

鶯鶯六么

大宴六么

驢精六么

雜劇目録

女生外向六么

暮道六么

三借暮道六么

雙欄哮六么

趕厥夾六么

羹湯六么

索拜瀛府

厚熟瀛府

哭骰子瀛府

醉縣君瀛府

燠骨頭瀛府

賭錢望瀛

四僧梁州

三索梁州

詩曲梁州

頭錢梁州

食杏染州

法事饅頭梁州

四哮伊州

領伊州

鐵指甲伊州

開五百伊州

裴少俊伊州

食店伊州

橋檐新水

燒花新水

雙哮新水

簡帖薄媚

請客薄媚

錯取薄媚

傳神薄媚

九裝薄媚

本事現薄媚

打調薄媚

拜禱薄媚

鄭生過龍女薄媚

雜劇目録

二

土地大明樂

列女降黃龍

雙姐降黃龍

燈毬大明樂

三爺老大明樂

栢比上官降黃龍

趕厥胡渭州

單番將胡渭州

銀器胡渭州

看澄胡渭州三厥

入寺降黃龍

榆標降黃龍

打地鋪道遙樂

漚麵道遙樂

卑打石州

石和那石州

趕厥石州

塹金剛大聖樂

卑打大勝樂

柳毅大聖樂

霸王中和樂

馬頭中和樂

大打調中和樂

喝貼萬年歡

能知他泛清波

三鈎魚泛清波

五柳菊花新

青陽觀碑綵雲歸

夢巫山綵雲歸

小四將整乾坤

四季夾竹桃花

禾打千春樂

牛五郎擺金征

新水爨

三十拍爨

天下太平爨

百花爨

三十六拍爨

門子打三教爨

孝經借衣爨

大孝經孤爨

喜朝天爨

說月爨

風花雪月爨

醉青樓爨

宴瑤池爨

錢手帕爨

小字太平歌

詩書禮樂爨

醉花陰爨

錢爨

鴉鷓爨

借聽爨

大徹底錯爨

黃河賦爨

睡爨

門兒爨

上借門兒爨

抹紫粉爨

夜半樂爨

棹孤舟爨

借衫爨

火發爨

調燕爨

燒餅爨

託合萬年歡

逐鼓兒熙州

駱駝熙州

二郎熙州

大打調道人歡

會子道人歡

打拍道人歡

越孃道人歡

打勘長壽仙

偌賣姐長壽仙

分頭子長壽仙

棋盤法曲

狐和法曲

藏瓶兒法曲

車兒法曲

病爺劍器

霸王劍器

黃傑進延壽樂

義養孃延壽樂

扯檻兒賀皇恩

催裝賀皇恩

封陟中和樂

唐輔採蓮

雙孝採蓮

燕和採蓮

諸宮調霸王

諸宮調掛冊兒

相如文君

崔智韜艾虎兒

王崇道休妻

李勉負心

四鄭舞楊花

四偌皇州

檻偌保金枝

磕瓦

浮漚傳永成雙

浮漚暮雲歸

老狐嘉慶樂

裴航相遇樂

進筆慶雲樂

兩相一萬年芳

木蘭花爨

月當廳爨

醉還醒爨

鬧夾棒爨

撲胡蝶爨

開八粧爨

鍾馗爨

銅博爨

戀雙雙爨

惱子爨

像生爨

金蓮爨

思鄉早行孤

睡孤

諱樂孤

論憚孤

逐鼓孤

大暮故孤

小暮故孤

老孤遣姐

孤慘

雙孤慘

骨突肉

三孤慘

四孤醉留客

四孤夜宴

四孤好

四孤披頭

四孤搗

病孤三鄉題

王魁三鄉題

強佑三鄉題

文武問命

兩同心掛鋪兒

一井金掛鋪兒

滿皇州掛鋪兒

變貓掛鋪兒

白苧掛鋪兒

探春掛鋪兒

慶時豐掛兒

三哮掛鋪兒



三哮揭榜

三哮上小樓

三哮文字兒

三哮好女兒

三哮一擔脚

三哮合房

三哮店休姐

三哮負酸

秀才下酸桶

急慢酸

眼藥酸

食藥酸

風流藥

黃元兒

論淡

醫淡

醫馬

調笑驢兒

雌虎

崔智翰

解熊

鶻打兔變二郎神

二郎神變二郎神

毀廟

入廟霸王兒

單調霸王兒

單調宿

單背影

單頂戴

單唐突

單折洗

單兜

單搭手

雙搭手

雙厥送

雙厥投拜

雙打毬

雙頂戴

雙園子

雙索帽

雙三教

雙虞候

雙養娘

雙挾

雙捉

雙禁師

雙羅羅喙木兒

賴房錢喙木兒

圓城喙木兒

大雙頭蓮

小雙頭蓮

大雙慘

小雙慘

小雙索

雙排軍

醉排軍

雙賣姐

三合入

三出合

三笑月中行

三登樂院公狗兒

三教安公子

三杜爭賽

三頂戴

三偌一賃驢

三盲一偌

三教鬧着棋

三借窩貨兒

三獻身

三教化

三京下書

三短轆

打三教庵宇

普天下

滿皇州打三教

領三教

三姐醉還醒

三姐黃鶯兒

賣花黃鶯兒

太四小將

四小將

四國朝

四脫空

四教化

泥孤

高宗幸張府節次畧

宋 周密

紹興二十一年十月高宗幸清河郡王第供進御筵  
節次如後

安民靖難功臣太傅靜江軍武靖海軍節度使醴泉  
觀使清河郡王臣張俊進奉

繡花高釘一行八果壘

香圓 真柑 石榴 橙子 鵝梨 乳梨

檳楂 花木瓜

樂仙乾果子又袋兒一行

荔枝 圓眼 香蓮 榧子 榛子 松子

銀杏 梨肉 棗圈 蓮子肉 林檎旋

大蒸棗

縷金香藥一行

腦子花兒 甘草花兒 硃砂圓子 水龍腦

木香丁香 史君子 縮砂花兒 官桂花兒

白术人參

雕花蜜煎一行

雕花梅毬兒 紅消兒 雕花筍 蜜冬瓜魚

兒 雕花紅團花 木瓜大段花 雕花金菊

青梅荷葉兒 雕花薑蜜筍花兒 雕花橙子

木瓜方花兒

砌香鹹酸一行

香藥木瓜 椒梅 香藥藤花 砌香櫻桃

砌香萱草拂兒 紫蘇奈香 砌香蒲菊

甘草花兒 梅肉餅兒 薑絲梅 雜思梅餅

兒 水紅薑

脯腊一行

線肉條子 阜角錠子 鰕腊 雲夢他兒

肉腊 妳房 旋鮮 金山鹹豉 酒醋肉

肉瓜羹

垂手八盤子

棟蜂兒 番蒲萄 香蓮事件念珠 巴欖子

大金橘 新椰子象牙板 小橄欖 榆柑子

再坐切時菓一行

春藕 鵝梨餅子 甘蔗 紅柿 切棖子

切綠橘 乳梨月兒 生藕錠兒

時新菓子一行

金橘 歲楊梅 新羅葛 切蜜簞 切脆棖

榆柑子 新椰子 切宜母子 甘蔗奈香

梨五花兒 藕錠兒 新柑子

雕花蜜煎一行 同前

砌香鹹酸一行 同前

龍纏菓子一行

荔枝甘露餅 荔枝蓼花 荔枝好郎君

龍纏桃條 酥胡桃 纏棗圈 纏梨肉

香蓮事件 香藥蒲菊 纏松子 糖霜玉蜂

兒 白纏桃條

脯腊一行 同前

下酒十五盞

第一盞 花炊鶴子 荔枝白腰子

第二盞 妳房簽 三脆羹

第三盞 羊舌簽 萌芽肚脰

第四盞 肚掌簽 鶴子羹

第五盞 肚脰脰 鴛鴦蝶肚

第六盞 沙魚脰 炒沙魚襯湯

第七盞 膳魚炒鱸 鵝肫掌湯羹

第八盞 螃蟹釀棖 妳房玉蕊羹

第九盞 鮮鰕蹄子脰 南炒膳

第十盞 洗手蟹 鱈魚假蛤蜊

第十一盞 五珍脰 螃蟹清羹

第十二盞 鶴子水晶脰 猪肚假江瑤

第十三盞 鰕棖脰 鰕魚湯羹

第十四盞

水母膾

二色蟹兒羹

第十五盞

蛤蜊生

血粉羹

勸酒小色一行

炒白腰子

炙肚脰

炙鶴子脯

潤鷄潤兔

炙炊餅

不炙炊餅彎骨

勸酒菓子庫十番

砌香菓子

雕花蜜煎

時新菓子

獨裝巴

欖子

裝大金橘小橄欖

鹹酸蜜煎

對裝

揀松番葡萄

獨裝新椰子

對裝春藕陳公

梨 四色時菓

厨勸酒一味

江蟠燂肚

江蟻生

蝓蚌簽

薑醋香螺

香螺燂肚

薑酸假公權

煨牡蠣

牡蠣燂

肚

蟻炬燂肚

準借上細壘四卓

又次細壘二卓

內蜜煎鹹酸  
時新脯腊等

對食十盞二十分

蓮花鴨簽

蟹兒羹

三珍膾

南炒膳

水母膾 鶴子羹 鱈魚膾 三脆羹 洗手

蟹 燂肚脰

對辰每分時菓五盤兒

知省 御帶 御藥 門司 直殿官

晚食五十分名件

二色鹽兒 肚子羹 笑靨兒 脯鴨 小頭

羹飯 脯腊雞

直殿官大燂下酒

鴨簽 水母膾 鮮鰕蹄子羹 糟蟹 野鴨

紅生水晶膾 五珍膾 蛤蜊羹

直殿官合子食

脯雞 油飽兒 野鴨 二色薑豉 雜燒

入糙雞 康魚 麻脯雞臙 炙焦 片羊頭

菜羹 一葫蘆

直殿官菓子

時菓十隔櫟

準備

薛方匏羹



備辦外官食炙

第一等 並簇送

太師尚書左僕射同中書門下平章事秦檜

燒羊一口 滴粥 燒餅 食十味 大碗百味

羹 饊兒盤勸 簇五十饅頭血羹 燒羊頭雙

下 雜簇從食五十事 肚羹 雙下火膀子

羊舌託胎羹 三脆羹 鋪羊粉飯 大簇釘

鮮糕鶴子 蜜煎五十椽 時菓一合 切榨十椽

酒三十瓶

少保觀文殿大學士秦熈

燒羊一口 滴粥 燒餅 食十味 蜜煎一合

時菓一合 切榨 酒十瓶

第二等

叅知政事余若水

簽書樞密巫伋

少師恭國公殿帥楊存中

太尉兩府吳益

普安郡王

恩平郡王

各食十味 蜜煎一合 切榨一合 燒羊一盤

酒六瓶

第三等 侍從七員

左朝散郎禮部侍郎兼權吏部尚書陳誠之

左中大夫刑部侍郎兼權吏部侍郎韓仲通

右承議郎權吏部侍郎李如崗

右奉議郎起居舍人湯思退

右朝散大夫大府卿兼戶部侍郎徐宗說

右宣教郎樞密院檢詳諸房文字兼兵部侍郎陳相

右宣教郎中書門下省檢正諸房公事兼給事中陳夔

管軍二員

馬軍太尉成閔

步軍太尉趙密

知閣六員

保信軍節度使領閣門使兼客省四方館事提點皇

城司鄭藻

照化軍承宣使領閣門使兼客省四方館事提點皇

城司錢

成州團練使領閣事兼客省四方館事提點皇城司

趙愷

貴州團練使領閣門事兼客省四方館事提點皇城

司宋

武節大夫吉州刺史領閣門事兼客省四方館事提

點皇城司孟

武節大夫惠州刺史領閣門事兼客省四方館事提

點皇城司蘇

御帶四員

降授郢州防禦使帶御器械潘端卿

忠州防禦使帶御器械石清

武功大夫遙郡防禦使帶御器械冀彥明

武功大夫兼閣門宣贊舍人帶御器械李彥實

宗室三員

安慶軍承宣使同知太宗正事士銜

建州觀察使士劇

瓊州觀察使居廣

節略

外官六員

建寧軍節度使提舉萬壽觀韋謙

崇慶軍節度使提舉萬壽觀韋

慶遠軍節度使提舉萬壽觀吳蓋

崇信軍承宣使提舉佑神觀劉光烈

永寧軍承宣使提舉佑神觀朱孝莊

武慶軍承宣使提舉佑神觀王安道

各食七味 蜜煎一合 時菓一合

第四等 環衛官九員

右監門衛大將軍貴州刺史居閑

右監門衛大將軍福州防禦使士輻

右監門衛大將軍榮州團練使士陔

右監門衛大將軍貴州團練使士歆

右監門衛大將軍宣州刺史士銖

右監門衛大將軍宣州刺史士赫

右監門衛大將軍吉州刺史士陪

右監門衛大將軍吉州刺史士暗

右監門衛大將軍吉州刺史士闢

宣贊舍人十八人

王漢臣 陳清 王肯 郭蔓之 許彥洪

鄭應之 裴良弼 陳迪 李大有 王邦昌

張彥圭 梁份 鄭立之 李邦傑 蔡舜臣

谷璠 王德霖 張安世

閣門祇候二十人

李丙 李唐誥 鄭明 范涉 周誣

張令綽 張拱 楊价 賈公正 陳仲通

劉堯咨 張耘 何忱 李偁 王謙

董原 劉伉 劉康祖 何超祖 朱邦達

看班祇候人

梁振之 王誼 董珩 司馬紀 潘思夔

張赫 馮倚 劉堯卿

提點兼祇應行首五人

李觀 邊思聰 逸 鎬 鄭孝禮 常士廉

三省樞密房副承旨逐房副承旨六人

劉典仁 劉典賢 韓師文 武鑄 邊俊民

嚴經安

隨駕諸局幹辦監官等十八人

成州團練使幹辦皇城司馬持

右武郎幹辦皇城司劉允升

保義郎幹辦御厨潘邦

保義郎幹辦御厨馮藻

保義郎幹辦翰林司王喜

修武郎幹辦儀鸞司郭公旣

保義郎幹辦祇候司黎安國

武翼郎閣門宣贊舍人兼翰林幹辦御葦院邵曙

忠翊郎幹辦左右驥驥院班彥通

武忠郎幹辦左右驥驥院張淳

承信郎閣門祇候兼幹辦左右驥驥院裴良從

武功大夫幹辦行在左藏庫石瑜

右朝散大夫幹辦行在左藏庫劉份

武功大夫幹辦行在左藏庫吳鑄

忠翊郎閣門祇候兼幹辦行在左藏庫趙節

承節郎閣門祇候兼幹辦行在左藏庫劉懃

忠翊郎主管軍頭司兼祇應杜淵

保義郎主管軍頭司兼祇應徐宗彦

各食三味 酒二瓶

第五等

閣門承受十人

知班十五人

御史臺十六人

各食五味 酒一瓶

聽叫喚中官等五十分

各食五味 斬羊一觔 饅頭五十箇 角子一

箇 鋪薑粉飯 下飯鹹豉 各酒一瓶

進奉盤合

寶器

御藥帶一條 玉池面帶一條

玉獅蠻樂仙帶一條 玉鶻兔帶三條

玉璧環二 玉素鍾子一

玉花高足鍾子一 玉枝梗瓜盃一

玉瓜盃一 玉東西盃一

玉香鼎二蓋全 玉盆兒一

玉椽頭標兒一

玉古劔璫等十七件

玉圓臨安樣標兒二

玉靶獨帶刀子二

玉並三靶刀子四

玉犀牛合替兒一

金器一千兩

翠毛二百合

珠子十二號共六萬九千五百九顆

珠子念珠一串一百九顆 馬價珠金相束帶一條

白玻璃圓盤子一

玻璃花瓶七

玻璃碗四

馬腦碗大小共二十件

古器

龍文鼎一 商彝二 高足商彝一 周盤一

商父彝一 周敦二 周舉鼎一 有蓋獸耳周

罍一

汝窑

酒瓶一對 洗一 香爐一 香合一 香毬一

盞四隻 孟子二 出香一對 大匳一 小匳一

合伏

螺鈿合一十具 織金錦 綉子全 犀皮合一十具 織金錦 綉子全

書畫 有御寶十軸



曹霸五花驄

馮瑾霽烟長景

易元吉寫生花

黃居寶雀竹

吳道子天王

張萱唐後竹叢

邊鸞萱草山鷓

黃筌萱草山鷓

宗婦曹氏蓼岸

杜庭睦明皇斫膾

無寶有御書九軸

趙昌躑躅鶴鶉

梅竹思躑躅母雞

杜霄撲蝶

巨然嵐鎖翠峰

徐熙牡丹

易元吉寫生枇杷

董元夏山早行二軸

偽主李煜林泉渡水人物

無寶御書

荆浩山水

吳元俞紫氣星

疋帛

燃金錦五十疋

素綠錦百五十疋

木錦二百疋

生花番羅二百疋

暗花婆羅二百疋

穉蒲綾二百疋

進奉犒設

隨駕官知省御帶御藥門司直殿官

紫羅五百疋

雜色纈羅五百疋

馬下日子錢一萬貫文

禁衛一行祇應人等

錢二萬貫文

炊餅二萬箇

熟猪肉二千觔

燒爆三十合

酒二千瓶

本家親屬推官

弟

拱

衛

太

夫

張

保

男右奉議郎直敷文閣主管台州崇道觀賜紫金魚

袋張子顏

男右宣教郎直敷文閣主管台州崇道觀賜紫金魚

袋張子正

孫承事郎籍田令賜紫金魚袋張宗元

姪龍神衛四廂都指揮使清海軍承宣賜添差兩浙

江路馬步軍副總管張子益

姪右朝請大夫直敷文閣主管佑神觀賜紫金魚袋張

子儀

曾

姪 承 奉 郎 張子安

姪 忠 天 堯 翊 郎 張子文

姪 孫 保 義 郎 張宗旦

姪 孫 保 義 郎 張宗亮

姪 孫 登 仕 郎 張宗說

姪 孫 成 忠 郎 張宗益

姪 孫 登 仕 郎 張宗穎

妻 秦 國 夫 人 魏 氏

妻 咸 寧 郡 夫 人 章 氏

妾 和 寧 郡 夫 人 楊 氏

妾 碩 人 潘 氏

妾 碩 人 沈 氏

妾 碩 人 曹 氏

妾 碩 人 周 氏

弟 婦 太 碩 人 王 氏

弟 婦 恭 碩 人 任 氏

第二女孺人張氏 第三女孺人張氏

第四女孺人張氏 男子顏婦王氏

節

十七

男子正婦王氏

姪子蓋婦碩人趙氏


姪子儀婦宣人郭氏

孫宗元婦王氏

紹興二十一年十一月

日和州防禦事幹辦府

差提點排辦一行事務張青具



十一闕本目錄

子餘

譚子化書

唐 譚景昇著

武侯心書

漢 諸葛亮著

枕中書

晉 葛洪著

中書  
 為到  
 取于  
 手  
 十一  
 閣本  
 目錄

文政辛巳

